

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINSKI SUD U ZENICI  
Broj: 43 0 St 268975 25 St  
Zenica, 19.08.2026. godine

Općinski sud u Zenici, stečajna sutkinja Sanja Pavlić, u stečajnom postupku nad društvom Nova Željezara Zenica, d.o.o., ul. Bulevar Kralja Tvrtka I broj 17., koji je pokrenut po prijedlogu predlagatelja Nova Željezara Zenica, d.o.o., ul. Bulevar Kralja Tvrtka I broj 17., odlučujući o prijedlogu stečajnog upravitelja Hadžirašidović Jasmina iz Zenice, podnesenog 19.08.2026. godine i o visini naknade članovima privremenog odbora povjeritelja, van ročišta, 19.08.2026. godine, donio je sljedeće:

### R J E Š E N J E

Imenuju se članovi privremenog odbora povjeritelja kako slijedi:

1. Mandić Ljiljana, stečajna upraviteljica-„NOVA LJUBIJA“ d.o.o. Prijedor u stečaju, ul. Srpskih velikana, br. 52., Prijedor za povjeritelje sa najvišim potraživanjima,
2. Luković Adnan-Yemek d.o.o. Zenica, ul. ZAVNOBiH-a br.71., za povjeritelje sa malim potraživanjima,
3. Tanović Fuad, JP Elektroprivreda BH d.d. Sarajevo, ul. Vilsonovo šetalište br.15., predstavnik povjeritelja sa visokim potraživanjima iz javnih prihoda.

Privremeni odbor povjeritelja će obavljati poslove sve do formiranja odbora povjeritelja na skupštini povjeritelja, a članovima privremenog odbora povjeritelja određuje se naknada u iznosu od 200,00 KM, a za predsjednika odbora 250,00 KM, po održanoj sjednici.

### O b r a z l o ž e n j e

Stečajni upravitelj je podnio pismeni prijedlog za imenovanje privremenog odbora povjeritelja, 19.08.2026. godine.

Shodno članu 82 stav 2. Zakona o stečaju, („Sl. Novine F BiH“ broj: 53/2021 i 19/2025) sud je imenovao tri člana privremenog odbora povjeritelja. Privremeni odbor povjeritelja je određen radi zaštite interesa stečajnih povjeritelja, pa je u pogledu prijedloga stečajnog upravitelja odlučeno kao u izreci rješenja jer je prijedlog osnovan.

Sud je, u skladu sa članom 22. stav 1. i 2., Pravilnika o naknadama i nagradama za rad stečajnog upravitelja i članova odbora povjeritelja, („Sl. Novine F BiH“ broj: 4/22), odredio i visinu naknade članovima privremenog odbora povjeritelja kao u izreci rješenja imajući u vidu da se radi o stečajnom postupku nad društvom koje ima obaveze i imovinu iskazane u velikom iznosu, a uzimajući u obzir i složenost ovog stečajnog postupka.

### PRAVNA POUKA:

Protiv rješenja o visini naknade stečajni upravitelj, stečajni dužnik, privremeni odbor povjeritelja i svaki stečajni povjeritelj mogu izjaviti žalbu u roku od osam dana od dana objave rješenja na oglasnoj ploči suda Kantonalnom sudu Zenica, a putem ovog suda. Žalba se podnosi u 3 primjerka.

STEČAJNA SUTKINJA  
Sanja Pavlić